

قرآن حکیم وچ مطلق (غیر مشروط) درود شریف گھلن دا حکم ملدا اے تے حدیثاں وچ وی مطلق (غیر مشروط) درود گھلن دی فضیلت آندی اے۔ ایسے واسطے درود شریف دا کوئی وی صیغہ ہووے فضیلت دا ذریعہ ہوندا اے۔ جیویں قرآن پاک دی کجھ آیتاں باقی آیتاں توں ثواب دے لحاظ نال افضل نیں لیکن مطلق فضیلت نال سب برابر نیں۔ اگر ایہہ گل ہوندی کہ جیہڑا درود شریف جناب رسول کریم ﷺ نے دسیا اوس توں اڈ ہور کوئی درود شریف افضل نہیں تاں فیہ صحابہ کرامؓ، تابعینؓ، آئمہ مجتہدینؓ تے صوفیائے کرامؓ نوں اکھراں نال نہ تے درود شریف پڑھدے تے نہ لکھدے۔ ایہو وجہ اے صحابہ کرام رضوان اللہ علیہم اجمعین حضور اکرم ﷺ دی بارگاہ اقدس وچ حاضر ہو کے درود شریف پڑھن دے طریقیاں بارے سوال کردے سن تے آپ ﷺ اوہناں دی رہنمائی فرماندے سن۔ حضرت امام شمس الدین محمد بن عبدالرحمن سخاویؒ نے ایہناں بزرگاں دے درود شریف وچوں اکتالیس (41) درود اپنی کتاب ”القول البدیع فی الصلوٰۃ علی الحبيب الشفیع“ وچ نقل کیتے نیں۔ جیہناں وچوں سب توں وڈا درود شریف حضرت زین العابدین بن حسین بن علیؑ دا اے، جیہنوں امام سخاویؒ آپ وی اُچی آواز وچ پڑھدے سن۔ ایسے واسطے اللہ تعالیٰ جیہنوں بیانیہ دی قوت دیوے تے اوہ حضور اکرم ﷺ دا کمال شرف تے عظمت بیان کرے تے اللہ تعالیٰ اوس نوں اپنے پیاریاں وچ شامل کر لیندا اے۔ ایہو وجہ اے کہ جس مسلمان نے وی آپ ﷺ دا ذکر بلند کیتا اے اللہ تعالیٰ نے اپنے حبیب ﷺ دی نسبت نال اوس دا ذکر وی بلند کر چھڈیا اے۔

اسیں ایس مقالے نوں چار باباں وچ ونڈیا اے۔ پہلے باب دا سرناواں ”درود شریف دی اہمیت تے فضیلت“ اے۔ ایس باب نوں اگے چار جزاں وچ ونڈ گیا اے۔ الف جز ”درود دے لغوی تے اصطلاحی معنی“ نیں۔ ایس وچ اسیں ایہدے معنیاں دا تعین کرن دی کوشش کیتی اے۔ ب جز ”درود تے سلام قرآن مجید وچ“ اے۔ ایس جز وچ اسیں اوہ چونویاں گلاں جیہناں دے ظاہری معنی عیاں نیں اوناں نوں وچاریا اے۔ ج جز ”آیة صلوٰۃ دا ویروا“ اے۔ ایہدے وچ

حضور اکرم ﷺ اُتے صلوة گھلن بارے لکھیا اے۔ د جُز ”درد شریف تے حدیثاں“ نیں۔
ایہدے وچ چند احادیث مبارکہ ول اشارہ کیتا اے۔

دو جا باب ”درد تاج دی کھوج پڑچول“ اے۔ ایس باب نوں پنجال جزاں وچ ونڈیا
اے۔ الف جز ”درد تاج آکھن دی وجہ“ اے۔ ایہدے وچ درد تاج نوں ایہہ سرناواں کیوں دتا
گیا اے، بارے مختصر جانکاری دتی اے۔ ب جز ”درد تاج دا لکھاری“ اے۔ ایہدے وچ درد
تاج دے لکھاری بارے لکھیا اے۔ ج جز ”درد تاج دی فضیلت“ اے۔ ایہدے وچ درد تاج
پڑھن نال جیہڑیاں فضیلتاں ملدیاں نے تے جیہڑے روحانی تے جسمانی مسائل حل ہوندے نیں
اوہناں بارے چونویاں گلاں لکھیا نیں۔ د جز ”درد تاج دی مانتا“ اے۔ ایہدے وچ درد تاج
بارے بزرگان دین تے اولیا اللہ دے وچاراں بارے مختصر جانکاری دتی اے۔ ہ جز ”درد تاج دی
تلاوت دا طریقہ“ اے۔ ایہدے وچ درد تاج دی تلاوت ویلے کیہڑے خاص اہتمام کیتے
جاندے نیں تے کن آداباں دا خیال رکھیا جاندا اے۔

تیجے باب دا سرناواں ”درد تاج دے پنجابی ترجمے“ اے۔ ایس باب نوں اگے دو جزاں
وچ ونڈیا گیا اے۔ الف جُز ”منظوم پنجابی ترجمے“ اے۔ ایہدے وچ بھاگاں والے شاعراں دے
منظوم پنجابی ترجمیاں دی کاوش تے رسائی بارے لکھیا اے۔ ب جز ”نثری پنجابی ترجمے“ اے۔
ایہدے وچ پنجابی شاعراں دے نثری پنجابی ترجمیاں نوں وچاریا اے۔ چوتھے باب دا سرناواں
”درد تاج بارے اعتراضاں دے جواب“ اے۔ ایہدے وچ درد تاج اتے ہون والے
اعتراضاں نوں بیان کر کے اوہناں دے جواباں دا ویروا پیش کیتا گیا اے۔

درد شریف تے بھرواں کم ہو یا اے۔ تے ایہہ کم رُکیا نہیں، جاری اے تے ابد تیکر جاری
رہوے گا۔ ایہہ رب کریم دا وعدہ اے۔ ہن تیکر درد تے کم کرن والیاں نے کئی پکھاں تے کم
کیتا۔ پر اے وی کئی پکھ لکویں رہ گئے نیں جیہناں تے کم ہونا چاہیدا اے۔ ایہناں وچوں اک پکھ
”درد تاج دے پنجابی ترجمے“ وی اے۔ رب کریم نے ایہہ کم میرے نصیب وچ لکھیا سی تے